

- 1 ambarki a-iga wanna mi iṣamḥ rbbi f-ddnub-ns,
issitti fllas ḡaylli-t-iṣṣḥṣṣamn.
- 2 ambarki a-iga wanna mi ur-iḥasb rbbi lmeṣyat-ns,
ula sul qaman irkan ḡ-uwl-ns.
- 3 lliḡ ur-ta-yak-qrraḡ tmda-gigi-kullu-tdwast,
ha-yyi ar-nddrḡ ass kullut.
- 4 ḡ-iyḍ ula azal izzay-flla-ufus-nnk a-rbbi.
ḡmklili itsllaw-usḡar ḡ-ṣṣif iḥrran ad-sllawn iḥsan-inu.
- 5 d-ḡakudan a-yk-nniḡ mamnk ad-ffuḡḡ zḡ-wawal-nnk,
ur-sul-ḥḍiḡ maylli-yyi-issrkan.
iniḡ-ak a-rbbi «t^wgraz-iyi f-maylli skrḡ y^wḥṣn.»
d-ḡakudan a-rbbi a-flla-tssittit tazayt n-ddnub-inu.
- 6 ḡ-tasaeṭ n-taḡuft a-ḡ-a-yk-n-aqran winnk,
ur-ra-tn-tadjt a-tn-ilm-unggay l-lequbit.
- 7 kiya a-igan antal-inu tḥḍut-iyi ḡ-tasaeṭ n-tnukmut,
tsutlt-iyi s-imurign n-sslamt.

(yini-yyi rbbi:)

- 8 rad-ak-mlḡ aḡaras lli-k-id-iqqann,
iniḡ-ak ula mamnk a-gis-tftut.
- 9 a-ur-tgm imddila zund agmar d-usrdun,
ar-skarn s-ifaddn ma-ira siditsn,
s-ulgammu d-twuriyt a-s-a-gisn-ithkam.
- 10 ra-tigat-tḡuḍi i-willi rurnin tiḡurdin s-rbbi.
imma willi srs umnnin tayri-ns izgan ad-asn-ilullin.
- 11 frḥat s-rbbi tfrḥm s-ugg^war,
kunni da-iftan ḡ-uḡaras n-ufulki.
tallm awal-nnun tirirm i-rbbi,
kunni da-iṭṭafn ul iṣfan.